



ԼՂՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ

Հ Ր Ա Մ Ա Ն

«20» դեկտեմբերի 2014 թ.

№ 77/Ս

ք. Ստեփանակերտ

«Տարվա լավագույն տնօրեն» մրցույթի կարգը հաստատելու մասին

Հիմք ընդունելով 2014 թվականի դեկտեմբերի 1-ի «Լեռնային Ղարաբաղի Հանրապետության կառավարության 2007 թվականի դեկտեմբերի 25-ի N 278 որոշման մեջ փոփոխություններ կատարելու մասին» N 817 որոշումը՝ «Տարվա լավագույն տնօրեն» մրցույթն անցկացնելու նպատակով

հրամայում եմ.

1. Հաստատել «Տարվա լավագույն տնօրեն» մրցույթի կարգը նոր խմբագրությամբ՝ համաձայն հավելված 1-ի:
2. ԼՂՀ կրթության և գիտության նախարարության կրթության և գիտության վարչությանը՝ սույն հրամանով հաստատված «Տարվա լավագույն տնօրեն» մրցույթի կարգը հրապարակել «Լուսարար» պաշտոնաթերթում:
3. ԼՂՀ շրջվարչակազմերի /Ստեփանակերտի քաղաքապետարանի/ կրթության բաժինների վարիչներին՝ ծանոթանալ սույն կարգին և այն ներկայացնել հանրակրթական դպրոցների տնօրեններին ու վերահսկել մրցույթի անցկացման ընթացքը:
4. Սույն հրամանի կատարման վերահսկողությունը հանձնարարել նախարարության կրթության և գիտության վարչության պետ Ռ. Մուսայեյանին:

Ս.ԱՍՐՅԱՆ

Կ Ա Ր Գ

«Տարվա լավագույն տնօրեն» մրցույթի անցկացման

1. Սույն կարգով սահմանվում են Լեռնային Ղարաբաղի Հանրապետությունում «Տարվա լավագույն տնօրեն» մրցույթի /այսուհետ մրցույթ/ կազմակերպման և անցկացման հետ կապված իրավահարաբերությունները:

2. Մրցույթի նպատակն է բացահայտել ստեղծագործական աշխատանք կատարող, կառավարման ժամանակակից միջոցներին տիրապետող տնօրեններին, տարածել նրանց մանկավարժական և ղեկավարման առաջավոր փորձը, նպաստել հասարակության մեջ մանկավարժ-ղեկավարի հեղինակության բարձրացմանը:

3. Մրցույթին կարող են մասնակցել հանրապետության բոլոր հանրակրթական դպրոցների տնօրենները, չեն կարող մասնակցել՝ նախորդ 5 տարիների ընթացքում հաղթող ճանաչված դպրոցների տնօրենները:

4. Մրցույթը կազմակերպում է Լեռնային Ղարաբաղի Հանրապետության կրթության և գիտության նախարարությունը /այսուհետ նախարարություն/:

5. «Տարվա լավագույն տնօրեն» մրցույթն անց է կացվում երկու փուլով՝ շրջանային /քաղաքային/ եւ հանրապետական:

6. Մրցույթի յուրաքանչյուր փուլը նախապատրաստելու եւ անցկացնելու համար ստեղծվում են շրջանային /քաղաքային/ եւ հանրապետական գնահատող հանձնաժողովներ:

7. Մրցույթի 1-ին փուլը սկսվում է նոյեմբերի 15-ին, արդյունքներն ամփոփվում են մինչև մարտի 1-ը:

8. Մրցույթի 1-ին փուլի գնահատող հանձնաժողովի կազմը /առնվազն 5 անդամ/ հաստատում է լիազոր մարմնի ղեկավարը: Շրջանային /քաղաքային/ գնահատող հանձնաժողովների կազմում ընդգրկվում են շրջանների վարչակազմերի /Ստեփանակերտի քաղաքապետարանի/ կրթության բաժինների վարիչներ, կրթական հաստատությունների աշխատակիցներ, ճանաչված ուսուցիչներ, տնօրեններ, զանգվածային լրատվամիջոցների ներկայացուցիչներ, նաև նախարարության ներկայացուցիչ:

Մրցույթի 1-ին փուլի գնահատող հանձնաժողովի կազմը հաստատելու համար լիազոր մարմինը դիմում է նախարարություն՝ առաջադրելու թեկնածու:

9. Լեռնային Ղարաբաղի Հանրապետության շրջանների վարչակազմերի շրջանային /քաղաքային/ գնահատող հանձնաժողովները ըստ «Տարվա լավագույն տնօրեն» մրցույթի անցկացման գնահատման չափորոշիչների /տես հավելված 2-1/ անց են կացնում մրցույթի 1-ին փուլը՝ վեր հանելով շրջանի /քաղաքի/ տարվա լավագույն տնօրենին:

10. Լիազոր մարմնի համապատասխան ստորաբաժանումը մրցույթի 1-ին փուլի գնահատող հանձնաժողովին է ներկայացնում 1-ին փուլի մասնակիցների երաշխավորագիր-բնութագրերը, որտեղ նշվում են տվյալներ թեկնածու տնօրենի կրթության, մասնագիտական և կազմակերպչական կարողությունների, մանկավարժական աշխատանքի ստաժի, տարբեր կրթական ծրագրերին ուսումնական հաստատության մասնակցության, արտաքին գնահատման արդյունքների, դպրոցի սովորողների՝ առարկայական օլիմպիադաների հանրապետական և եզրափակիչ փուլերին մասնակցության /առկայության դեպքում/ վերաբերյալ, ինչպես նաև

դպրոցի կառավարմանը, կրթության ոլորտի բարեփոխումներին վերաբերող տվյալ թեկնածուի նկատառումները /2 համակարգչային էջի սահմաններում/ :

11. Մրցույթի 1-ին փուլի արդյունքում հաղթողն ընտրվում է այդ նպատակով հանձնաժողովի հրավիրած նիստում, փակ քվեարկությամբ՝ գնահատող հանձնաժողովի ձայների մեծամասնությամբ:

12. Հիմք ընդունելով գնահատող հանձնաժողովի որոշումը, լիազոր մարմինը մրցույթի 1-ին փուլի հաղթողի տվյալները՝ ըստ հավելված 2-2-ի, մինչև տվյալ տարվա մարտի 15-ը ներկայացնում է նախարարություն՝ հանրապետական փուլին մասնակցելու համար: Շրջանային /քաղաքային/ փուլում հաղթող ճանաչված /յուրաքանչյուր շրջանից, Ստեփանակերտ քաղաքից/ մեկական տնօրեններ մասնակցում են մրցույթի հանրապետական փուլին:

13. Մրցույթի 2-րդ փուլի գնահատող հանձնաժողովի կազմն առաջադրում է նախարարության կրթության և գիտության վարչությունը, հաստատում է նախարարը: Գնահատող հանձնաժողովի կազմում ընդգրկվում են Լեռնային Ղարաբաղի Հանրապետության կրթության և գիտության նախարարը, փոխնախարարները, վարչությունների պետեր, բաժինների վարիչներ, ինչպես նաև ճանաչված ուսուցիչներ, կրթության անվանի գործիչներ ու զանգվածային լրատվամիջոցների ներկայացուցիչներ, նախորդ 3 տարիներին «Տարվա լավագույն տնօրեն» ճանաչվածները:

Մրցույթի հանրապետական փուլն ընդգրկում է.

-հանրապետական հանձնաժողովի անդամների կողմից ստուգայցեր համապատասխան դպրոցներ՝ տնօրենների մոտ դասալսումներ կատարելու և նրանց գործունեությունը տեղերում ուսումնասիրելու համար.

-1-ին փուլի արդյունքներով հանրապետական փուլին ներկայացված փաստաթղթերի ուսումնասիրում:

14. «Տարվա լավագույն տնօրեն» ընտրվում է այդ նպատակով հրավիրված նիստում, փակ քվեարկությամբ՝ հանձնաժողովի անդամների ձայների պարզ մեծամասնությամբ:

Հանրապետական փուլի մասնակից մյուս տնօրեններից ընտրվում են հաղթողներ նաև հետևյալ անվանակարգերում.

-ուսումնադաստիարակչական աշխատանքները լավագույնս կազմակերպելու համար

-ուսումնական գործընթացի բարձր որակ ապահովելու համար

-ուսուցման կաբինետային համակարգի անցումն ապահովելու համար.

-ռազմահայրենասիրական և աշխատանքային դաստիարակության լավագույն փորձի համար.

- գեղագիտական դաստիարակության լավագույն փորձի համար:

15. Մրցույթի հանրապետական փուլի արդյունքներն ամփոփվում են մինչև հունիսի 30-ը :

16. Մրցույթի հանրապետական փուլի մասնակից բոլոր տնօրենները պարզեատրվում են նախարարության պատվոգրերով, իսկ հաղթող տնօրենը, ինչպես նաև ըստ անվանակարգի պարգևատրվողները, արժանանում են ԼՂՀ կառավարության սահմանած մրցանակի /դրամական պարզա/:

17. Մրցույթի արդյունքների ամփոփումը և պարգևատրումը կատարվում է հանդիսավոր արարողությամբ, ուսուցչի օրը՝ հոկտեմբերի 5-ին:

18. «Տարվա լավագույն տնօրեն» մրցույթի արդյունքները լուսաբանվում են «Լուսարար» պաշտոնաթերթում:

Կրթության և գիտության վարչություն

Ց Ա Ն Կ

**«Տարվա լավագույն տնօրեն» մրցույթի անցկացման
հանրապետական հանձնաժողովին ներկայացվող փաստաթղթերի**

1. «Տարվա լավագույն տնօրեն» մրցույթի անցկացման շրջանային /քաղաքային/ փուլի արժանագրության քաղվածքը.
2. Շրջանային /քաղաքային/ փուլում հաղթող ճանաչված տնօրենի երաշխավորագիր-բնութագիրը գործունեության մասին մանրամասն հաշվետվություն:
3. Համադպրոցական աշխատանքային պլանի պատճենը:
4. Նախորդ և ընթացիկ ուսումնական տարիներին դպրոցում անցկացված միջոցառումների ցանկը /բովանդակությունն ու ուղղվածությունը/:
5. Դպրոցական կյանքը լուսաբանող նյութեր /ֆոտոալբոմներ, տեսաերիզներ, տեսասկավառակներ, ՋԼՄ-ներում հրապարակված նյութեր եւ այլն/:
6. Դպրոցի ստուգման մասին տեսչական ակտեր ու տեղեկանքներ:
7. Տնօրենի եւ փոխտնօրենների դասալսումների գրառումները:
8. Տարբեր մրցանակներ, պատվոգրեր, որոնց արժանացել է տնօրենը:
9. Նախորդ և ընթացիկ ուսումնական տարիներին դպրոցի տարբեր մրցույթներում /մշակութային, սպորտային, ստեղծագործական շարադրությունների,/ դպրոցականների առարկայական օլիմպիադայի հանրապետական և եզրափակիչ փուլերում հաղթող ճանաչվածների անվանացուցակը:
10. Նախորդ և ընթացիկ ուսումնական տարիներին նախարարության և կառավարության կողմից դպրոցի պարգևատրված ուսուցիչների անվանացուցակը:
11. Նախորդ և ընթացիկ ուսումնական տարիներին «Տարվա լավագույն ուսուցիչ», «Տարվա լավագույն գինդեկ», «Տարվա լավագույն աշակերտ» մրցույթներում հաղթող ճանաչվածների անվանացուցակը:
12. Նախորդ և ընթացիկ ուսումնական տարիներին հանրակրթական ուսումնական հաստատության ուսուցչի որակավորման տարակարգ ստացած մանկավարժների անվանացուցակը:

ՉԱՓՈՐՈՇԻՉՆԵՐ

«Տարվա լավագույն տնօրեն» մրցույթի անցկացման ու գնահատման

Տարվա լավագույն տնօրենը գնահատվում է հետևյալ չափորոշիչներով.

1. Ուսումնական գործընթացի դրվածքը եւ արդյունքները:
2. «Կրթության պետական չափորոշիչ» փաստաթղթի պահանջների կատարումը:
3. Դպրոցի հաջողությունները առարկայական օլիմպիադաներում եւ այլ մրցույթներում, ինչպես նաև մասնակցությունը հանրապետության մշակութային եւ մարզական կյանքին:
4. Ներդպրոցական վերահսկողության վիճակը:
5. Մեթոդական աշխատանքների եւ լավագույն մանկավարժական փորձի ուսումնասիրման ու տարածման դրվածքը:
6. Ղաստիարակչական աշխատանքների դրվածքը, սովորողների դաստիարակության համակարգի առկայությունը:
7. Արտադասարանական եւ արտադպրոցական աշխատանքների դրվածքը:
8. Ռազմահայրենասիրական դաստիարակության դրվածքը:
9. Երեխաների կյանքի եւ առողջության պահպանման, նրանց իրավունքների պաշտպանության ուղղությամբ տարվող աշխատանքների արդյունքները:
10. Անվտանգության տեխնիկայի, սանիտարահիգիենիկ, հակահրդեհային պաշտպանության կանոնների պահպանումը դպրոցում:
11. Բարոյահոգեբանական մթնոլորտի ընդհանուր վիճակը մանկավարժական կոլեկտիվում:
12. Նախորդ և ընթացիկ ուսումնական տարվա արդյունքները:
13. Նախորդ ուսումնական տարվա շրջանավարտների միասնական և ավարտական քննությունների արդյունքների ու տարեկան գնահատականների համապատասխանությունը:
14. Տեղեկություններ նախորդ ուսումնական տարում 9-րդ և 12-րդ դասարանն ավարտած շրջանավարտների զբաղվածության մասին:
15. Դպրոցի ուսումնանյութական բազայի վիճակը, պահպանումը եւ օգտագործումը: